

# Akashvani, Sambalpur

## SAMBALPURI NEWS EVENING BULLETIN

19 May 2024- 7.02 pm- 7.12 pm.

\*\*\*\*\*

୧- ରାଏଜର ୫ ଟା ଲୋକ୍ଷଭା ଆଉ ୩୫ ଟା ବିଧାନସଭା  
ଆସନ୍ ଲାଗି ଆଏବା କାଏଲ୍ ହେବା ଭୋର୍ ।

- ସୁରକ୍ଷା ବନ୍ଦୋବସ୍ତୁ ମୁତୟନ ହେବେ ୩୩ ହଜାର  
ସୁରକ୍ଷା କର୍ମୀ ।

୨- ଓଡ଼ିଶା ପୁହୁଁଚିଲେ ବିଜେପିର୍ ବରିଷ୍ଠ ନେତା ଆର୍  
ପ୍ରଧାନମନ୍ତ୍ରୀ ନରେନ୍ଦ୍ର ମୋଦୀ ।

- ଆଏବା କାଏଲ୍ ପୁରୀ, ଅନୁଗୁଲ୍ ଆର୍ କଟକ୍ ନ କର୍ବେ  
ପ୍ରଚାର୍ ।

୩- ରାଏଜେ ଭିନ୍ ଭିନ୍ ରାଜନୈତିକ୍ ଦଳର୍ ବରିଷ୍ଠ  
ନେତାମାନେ ଦଳୀୟ ପ୍ରାର୍ଥୀଙ୍କର୍ ଲାଗି କରୁଛନ୍ ପ୍ରଚାର୍ ।

ଆଉର୍

୪- ନିକୋବର୍ ଦ୍ଵୀପପୁଞ୍ଜକେ ଛୁଇଁଲା ଦକ୍ଷିଣ ପଶ୍ଚିମ ମୌସୁମୀ  
ବାୟୁ ।

## ୨ ନୟର ଖେପ ନିର୍ବାଚନ

ଆରବନ୍ୟୁ/ ସମଲପୁର

ରାଏଜେ ଆଏବା କାଏଲ୍ ୨ ନୟର ଖେପ ଭୋଟ୍ ହେବା ।  
ଇ ଖେପେ ରାଜ୍ୟର ୫ ଟା ସଂସଦୀୟ କ୍ଷେତ୍ର ସୁନ୍ଦରଗଡ଼,  
ବରଗଡ଼, ବଲାଙ୍ଗିର, କନ୍ଧମାଲ୍ ଆର ଆସ୍କା ଆଉ ଇତାର  
ଅଧୀନଥି ଥିବା ୩୫ ଟା ବିଧାନସଭା ଆସନ ଲାଗି ଭୋଟ୍  
ହେବା । ଇ ଖେପେ ୫ ଟା ଲୋକସଭା ନିର୍ବାଚନ ମଣ୍ଡଳୀ ଲାଗି  
ମୋଟ୍ ୪୦ ଝନ୍ ପ୍ରାର୍ଥୀ ପ୍ରତିଦ୍ୱନ୍ଦିତା କରୁଥିବାର ବେଲେ ୩୫ ଟା  
ବିଧାନସଭା ନିର୍ବାଚନ ମଣ୍ଡଳୀ ଲାଗି ୨ ଶହ ୬୫ ଝନ୍ ପ୍ରାର୍ଥୀ  
ପ୍ରତିଦ୍ୱନ୍ଦିତା କରୁଛନ୍ । ଭୋଟ୍ ଲାଗି ମତଦାନ କେନ୍ଦ୍ର ମାନକେ  
ପୁଲିଂ ପାର୍ଟିମାନେ ପୁହୁଁଚିଛନ୍ ।

ମୁଖ୍ୟ ନିର୍ବାଚନ ଅଧିକାରୀ ନିକୁଞ୍ଜ ବିହାରୀ ଧଳଙ୍କ ସୂଚନା  
ଅନୁସାରେ, ଇ ୨ ନୟର ଖେପର ଭୋଟ୍ଥି ମୋଟ୍ ୭୯  
ଲାଖ୍ ୬୯ ହଜାର୍ ୮ ଶହ ୮୭ ଝନ୍ ଭୋଟର ରହିଛନ୍ ।  
ସେମାନକର ଭିତରୁ ୪୦ ଲାଖ୍ ୩୩ ହଜାର୍ ୯ ଶହ ୯୨  
ପୁରୁଷ ଭୋଟର ଆଉ ୩୯ ଲାଖ୍ ୩୫ ହଜାର୍ ୪୪ ଝନ୍  
ମହିଳା ଭୋଟର ଆନ୍ ।

ପୁଲିସ୍ ମହାନିର୍ଦ୍ଦେଶକ୍-ନିର୍ବାଚନ ସୂଚନା, ଲୋକସମ୍ପର୍କ  
ବିଭାଗ

ରାଏଜେ ଆଏବା କାଏଲ୍ ହେବାର୍‌କେ ଯାଉଥିବା ୨ ନମ୍ବର  
ଖେପ୍ ଭୋର୍ ଯେନ୍ତା ଶାନ୍ତିଶୃଙ୍ଖଳାଥୁ ହେବା, ସେଥିରୁଲାରୀ  
ସବୁ ପ୍ରକାର ପ୍ରସ୍ତୁତି କରାଯାଇଛେ ବଳି ପୁଲିସ୍  
ମହାନିର୍ଦ୍ଦେଶକ୍ ଅରୁଣ୍ କୁମାର୍ ଷଡ଼ଙ୍ଗୀ କହିଛନ୍ । ପୁଲିସ୍  
ମହାନିର୍ଦ୍ଦେଶକ୍ ଶ୍ରୀ ଷଡ଼ଙ୍ଗୀ ଆଏଜ୍ ଗୁଟେ ସାମାଦିକ୍  
ସମ୍ମିଳନୀଥୁ ସୂଚନା ଦେଇକରି କହିଛନ୍ ଯେ, ଆଏବା  
କାଲିର୍ ଭୋର୍ର ସୁରକ୍ଷା ବନ୍ଦୋବସ୍ତୁଥୁ କେନ୍ଦ୍ରୀୟ ସଶସ୍ତ୍ର  
ପୁଲିସ୍ ଆର୍ ଓଡ଼ିଶା ସଶସ୍ତ୍ର ପୁଲିସ୍ ସହେତେ ଗାମା ହଜାର୍  
ସୁରକ୍ଷା କର୍ମୀ ନିୟୋଜିତ ହେବେ । ବଲାଙ୍ଗିର୍, ବରଗଡ଼୍,  
ବୌଦ୍ଧ ଆର୍ କନ୍ଧମାଲ୍ ଜିଲ୍ଲାର୍ ନକ୍ସଲ୍ ଅଧୁଷିତ ଇଲାକା ନ  
୫ ଶହ ୫୨ ଟା ବୁଥୁ ଥିବାରନ୍ତୁ ସେନ କଡ଼ା ସୁରକ୍ଷା  
ବ୍ୟବସ୍ଥା କରାଯାଇଛେ । ସେନ୍ତା ଇଭିଏମ୍ ମିସିନ୍ ମାନକୁ  
ରଖିବାର୍‌କେ ୧୮ଟା ଜାଗା ନ ହେଇଥିବା ସ୍ତୁଙ୍ଗରୁମ୍ବର ୨୪  
ଘଂଟିଆ ସୁରକ୍ଷା ବନ୍ଦୋବସ୍ତୁ କରାଯାଇଛେ । ହେଥୁ କେନ୍ଦ୍ରୀୟ  
ସଶସ୍ତ୍ର ପୁଲିସ୍ ଆର୍ ଓଡ଼ିଶା ସଶସ୍ତ୍ର ପୁଲିସ୍ କର୍ମୀମାନେ  
ନିୟୋଜିତ ହେଇଛନ୍ ବଳି ପୁଲିସ୍ ମହାନିର୍ଦ୍ଦେଶକ୍ ଶ୍ରୀ  
ଷଡ଼ଙ୍ଗୀ କହିଛନ୍ ।

ଦେଶ- ନିର୍ବାଚନ ଏନ୍‌ଏସ୍‌ଡି

ଦେଶର ନିର୍ବାଚନ ପ୍ରକ୍ରିୟାର ୫ ନମ୍ବର ଖେପର ଭୋଟ୍ ଆଏବା କାଏଲ୍ ହେବା । ହେଥି ୬ଟା ରାଜ୍ୟ ଆର ୨ କେନ୍ଦ୍ରଶାସିତ୍ ଅଂଚଳର ୪୯ ଟା ଲୋକସଭା ଆସନ୍ ଲାଗି ଭୋଟ୍ ହେବା । ଭୋଟ୍ ଲାଗି ୯୪ ହଜାର ୭ ଶହ ୩୨ ଟା ମତଦାନ କେନ୍ଦ୍ର କରାଯାଇଛି । ଇନ ଜନେଇ ଦିଆଯାଇପାରେ ଯେ, ଗଲା ୪ ଟା ଖେପେ ୨୩ ଟା ରାଜ୍ୟ ଆଉ କେନ୍ଦ୍ରଶାସିତ୍ ଅଂଚଳର ୩ ଶହ ୭୯ ଟା ସଂସଦୀୟ କ୍ଷେତ୍ର ନ ଭୋଟ୍ ହେଇସାରିଛି ।

ପ୍ରଧାନମନ୍ତ୍ରୀଙ୍କର ଗସ୍ତ ଆରଏନ୍‌ୟୁ/ ସମ୍ବଲପୁର

ବିଜେପିର ବରିଷ୍ଠ ନେତା ଆର ପ୍ରଧାନମନ୍ତ୍ରୀ ନରେନ୍ଦ୍ର ମୋଦୀ ଦଲୀୟ ପ୍ରାର୍ଥୀଙ୍କର ଲାଗି ପ୍ରଚାର କରୁବାରକେ ୨ ଦିନିଆ ଓଡ଼ିଶା ଗସ୍ତଥୁ ଆଏଜ୍ ସଞ୍ଜବେଳେ ଭୁବନେଶ୍ୱର ପୁହୁଁଚିଛନ୍ । ସେ ଭୁବନେଶ୍ୱର ନ ବିଜେପି ରାଜ୍ୟ କାର୍ଯ୍ୟାଳୟ ନ ଦଲୀୟ କର୍ମକର୍ତ୍ତାମାନଙ୍କର ସାଙ୍ଗେ ବୈଠକ୍ କରବେ ଆର ରାତି ରାଜଭବନନ୍ ନ ରହେବେ । ଆଏବାକାଏଲ୍ ସଖାଲେ ପୁରୀ

ଯାଇକରି ଶ୍ରୀଜୀଉଙ୍କର ଦର୍ଶନ କରବାର ଉତାରୁ ବଡ଼ଦାଣ୍ଡ ନ ରୋଡ଼୍ ସୋ କରକରି ଦଲୀୟ ପ୍ରାର୍ଥୀମାନଙ୍କର ଲାଗି ପ୍ରଚାର କରବେ । ତାର ଉତରୁ ସଖାଲର ସାଡ଼େ ୯ ବଜେ ପ୍ରଧାନମନ୍ତ୍ରୀ ଅନୁଗୁଲ୍ ଯାଇକରି ନାଲକୋ ଷ୍ଟାଡ଼ିୟମ୍ ନ ବିଜେପି ତରଫୁ ହେବାରକେ ଥୁବାର ବିଜୟ ସଂକଳ୍ପ ସମାବେଶ୍ଥୁ ଯୋଗ୍ ଦେବେ । ସେନୁ ଫିରିକରି ଦିନର ସାଡ଼େ ୧୧ ବଜେ କଟକର ବାଲିଯାତ୍ରା ପଡ଼ିଆ ନ ପ୍ରଧାନମନ୍ତ୍ରୀ ଗୁଟେ ସାଧାରଣ ସଭାକେ ସମ୍ବୋଧନ କରବାର କାର୍ଯ୍ୟକ୍ରମ ରହିଛେ । ପ୍ରଧାନମନ୍ତ୍ରୀଙ୍କର ଇ ଗସ୍ତ ଲାଗି କଡ଼ା ସୁରକ୍ଷା ବନ୍ଦୋବସ୍ତ ହେଇଛେ ।

ମୁଖ୍ୟମନ୍ତ୍ରୀ- ପ୍ରଚାର

ଆରବନ୍ଦୁ / ସମ୍ବଲପୁର

ବିଜୁ ଜନତା ଦଲର ସଭାପତି ଆର ମୁଖ୍ୟମନ୍ତ୍ରୀ ନବୀନ୍ ପଟ୍ଟନାୟକ୍ ଆଏକ୍ କେନ୍ଦୁଝର ଆର ଆନନ୍ଦପୁର ବିଧାନସଭା ନିର୍ବାଚନ ମଣ୍ଡଳୀ ନ ଦଲୀୟ ପ୍ରାର୍ଥୀମାନଙ୍କର ଲାଗି ନିର୍ବାଚନ ପ୍ରଚାର କରିଛନ୍ । ସେନ୍ତା ଶ୍ରୀ ପଟ୍ଟନାୟକ୍ ଭଦ୍ରକ୍ ଲୋକସଭା ନିର୍ବାଚନ ମଣ୍ଡଳୀ ଇଲାକା ନ ଭିଲ୍ ଦଲୀୟ ପ୍ରାର୍ଥୀମାନଙ୍କର ଲାଗି ପ୍ରଚାର କରିଛନ୍ । ମୁଖ୍ୟମନ୍ତ୍ରୀ ତାଙ୍କର ଭାଷଣ୍ଥୁ ରାଜ୍ୟ ସରକାରଙ୍କର ଭିନ୍ ଭିନ୍ କଲ୍ୟାଣକାରୀ ଯୋଜନା ଆର ଲୁକ୍କୁ

ମିଳିଥିବା ସଫଳତା ବାବ୍ଦେ କହିକରି ବିଜେଡ଼ି ପ୍ରାର୍ଥୀମାନଙ୍କୁ  
ଭୋର୍ ଦେବାର୍‌କେ ଲୋକମାନଙ୍କୁ ନିବେଦନ କରିଥିଲେ ।  
ମୁଖ୍ୟମନ୍ତ୍ରୀ ଶ୍ରୀ ପଟ୍ଟନାୟକ ଆସବା କାଏଲ ଭୁବନେଶ୍ୱର ନ  
ରୋଡ୍ ସୋ' କରବାର କାର୍ଯ୍ୟକ୍ରମ ରହିଛି ।

ରାଜନାଥ ସିଂ -ସମ୍ବଲପୁର                      ସମ୍ବଲପୁର ସମାଦଦାତା

ବିଜେପିର ବରିଷ୍ଠ ନେତା ଆଉ ପ୍ରତିରକ୍ଷା ମନ୍ତ୍ରୀ ରାଜନାଥ  
ସିଂ ଆସଇ ସମ୍ବଲପୁର ଜିଲ୍ଲାର ରେଡ଼ାଖୋଲ ବିଧାନସଭା  
ଆସନର ନାକଟିଦେଉଲ ପାଖର ଜଗନ୍ନାଥ ପ୍ରସାଦ ସ୍କୁଲ ପଡ଼ିଆ  
ନ ଗୁଟେ ଜନସଭାକେ ସମ୍ବୋଧିତ୍ କରିକରି ଦଳୀୟ ପ୍ରାର୍ଥୀଙ୍କର  
ଲାଗି ପ୍ରଚାର କରିଛନ୍ । ସେ କହିଛନ୍ ଯେ, ପ୍ରଧାନମନ୍ତ୍ରୀ  
ନରେନ୍ଦ୍ର ମୋଦୀଙ୍କର ଅମଲ୍ୟ ପୁର୍ୟୁ ନ ଦେଶର ମାନ ବଢ଼ିଛି ।

(ଭବସ୍ ଓଭର- ରାଜନାଥ ସିଂ)

ସଭାଥୁ ଦଳର ସମ୍ବଲପୁର ଲୋକସଭା ଆସନର ପ୍ରାର୍ଥୀ  
କେନ୍ଦ୍ରମନ୍ତ୍ରୀ ଧର୍ମେନ୍ଦ୍ର ପ୍ରଧାନ ଆର ରେଡ଼ାଖୋଲ ବିଧାନସଭା  
ଆସନର ପ୍ରାର୍ଥୀ ଦେବେନ୍ଦ୍ର ମହାପାତ୍ର ଭିଲ୍ ଉପସ୍ଥିତ୍ ଥିଲେ ।

ସେନ୍ତା କୁଟିଣ୍ଡା କଲେଜ୍ ପଡ଼ିଆ ନ ହେଇଥିବା ବିଜେପିର ବିଜୟ

ସଂକଳ୍ପ ସମାବେଶ୍‌ଥୁ ଛତିଶଗଡ଼ର ମୁଖ୍ୟମନ୍ତ୍ରୀ ବିଷ୍ଣୁଦେଓ

ସାଏ ଯୋଗ୍ ଦେଇକରି ଓଡ଼ିଶା ନ ବିଜେପି ସରକାର

ଗଢ଼ବାର୍ଦ୍ଧକେ ବିଜେପି ପ୍ରାର୍ଥୀମାନଙ୍କୁ ଜିତାବାର୍ ଲାଗି  
ନିବେଦନ କରିଥିଲେ ।

ମୌସୁମୀ ବାୟୁ                      ଆରବନ୍ୟୁ/କଟକ

ଦକ୍ଷିଣ ପଶ୍ଚିମ ମୌସୁମୀ ବାୟୁ ଆରବନ୍ ନିକୋବର ଦ୍ଵୀପପୁଞ୍ଜକେ  
ଛୁଇଁଛେ ବଳି ଭାରତୀୟ ପାଣିପାଗ ବିଭାଗ ତରଫୁ ସୂଚନା  
ଦିଆଯାଇଛି । ସୂଚନା ଅନୁସାରେ ଦକ୍ଷିଣ ପଶ୍ଚିମ  
ମୌସୁମୀ ବାୟୁ ମାଲଦୀପର କେତେ ଇଲାକା, କାମୋରିନ୍  
ଇଲାକା ଆଉ ଦକ୍ଷିଣ ବଙ୍ଗୋପସାଗରର ନିକୋବର  
ଦ୍ଵୀପପୁଞ୍ଜ ଆଉ ଦକ୍ଷିଣ ଆଣ୍ଡାମାନ୍ ସାଗରର କେତେ  
ଇଲାକାକେ ଯାଉଛି । ଇ ମାସର ୩୧ ତାରିଖତକ ଦକ୍ଷିଣ  
ପଶ୍ଚିମ ମୌସୁମୀ ବାୟୁ କେରଳର ସମୁଦ୍ରଖଣ୍ଡି ଇଲାକା  
ଛୁଇଁବା ବଳି ଆକଳନ କରାଯାଇଛି । ପାଣିପାଗ ବିଭାଗ  
ଆହୁରି ପୂର୍ବାନୁମାନ କରିଛି ଯେ, ଇ ବଛର୍ ମୌସୁମୀ  
ରତୁଥି ସ୍ଵାଭାବିକନୁ ଅବତ୍ତକା ବର୍ଷା ହେବା । ଲା-ନିନା ଥିତି  
ଅନୁକୂଲ ଥିବାରନୁ ଭାରତର ଇ ମୌସୁମୀ ରତୁଥି ଭଲ  
ବର୍ଷା ହେବା । ଇନ ଜନେଇ ଦିଆଯାଇପାରେ ଯେ, ଆମର  
ଦେଶର କୃଷିଭିତିକ ଅର୍ଥନୀତି ଦକ୍ଷିଣ ପଶ୍ଚିମ ମୌସୁମୀ  
ବାୟୁ ଉପରେ ନିର୍ଭର କରସି । ମୌସୁମୀ ବର୍ଷାଥି ମୋଟ

ଚାଷ ଜମିର ୫୨ ପ୍ରତିଶତ ଜଳସେଚିତ୍ ହେବି ।  
ହେତାର୍ଥରେ ବିଦ୍ୟୁତ୍ ଉତ୍ପାଦନ, ପିଇବାର ପାଏନ୍ ଆର୍  
ଜଳଭଣ୍ଡାର ମାନକୁ ପାଏନ୍ ଜମେଇକରି ରଖିବାର୍ଥ  
ମୌସୁମୀ ବର୍ଷା ସାହାଜ୍ କରସି ।

ବରଗଡ଼ ଜିଲ୍ଲାରେ ଭୋଟ ଲାଗି ପ୍ରଶାସନ ପୁରା ପ୍ରସ୍ତୁତ

ବରଗଡ଼ ସମ୍ବାଦଦାତା

ବରଗଡ଼ ଲୋକସଭା ଆର୍ ବରଗଡ଼ ଜିଲ୍ଲାର ପାଠକା  
ବିଧାନସଭା ଆସନ୍ ଲାଗି ଆସବା କାଏଲ୍ ଭୋଟ୍ ହେବା ।  
ହେଥୁରଲାଗି ଆସକ୍ତାନୁ ପୁଲିଂ ପାର୍ଟି ଇଭିଏମ, ଭିଭିପେଟ୍ ଆର୍  
ଭୋଟ୍ ସାମାନ୍ ନେଇକରି ମତଦାନ କେନ୍ଦ୍ର- ବୁଥ୍ ମାନକୁ  
ଯାଇଛନ୍ । ଇ ବାବ୍ଦେ ଆମର ବରଗଡ଼ ସମ୍ବାଦଦାତା ଉମେଶ  
ବିଶ୍ୱାଳଙ୍କର ରିପୋର୍ଟ....

(ଭଏସ୍ ଓଭର-ଉମେଶ୍ ବିଶ୍ୱାଳ୍)

ଝାରସୁଗୁଡ଼ା- ନିର୍ବାଚନ

ଝାରସୁଗୁଡ଼ା ସମ୍ବାଦଦାତା



ବରଗଡ଼ ଲୋକସଭା ଆସନ୍ ଆଉ ଝାରସୁଗୁଡ଼ା ଜିଲ୍ଲାର  
ଝାରସୁଗୁଡ଼ା ଆର ବ୍ରଜରାଜନଗର ବିଧାନସଭା ଆସନ୍  
ଲାଗି ଆଏବାକାଏଲ୍ ଭୋଟ୍ ହେବା । ହେଥିରଲାଗି ଜିଲ୍ଲା  
ନ ୫ ଶହ ୧୫ ଟା ବୁଥ୍ କରାଯାଇଛେ । ସବୁ ବୁଥ୍ ନ ପୁଲିଂ  
ପାର୍ଟି ପୁହୁଁଚିଯାଇଛନ୍ । ଜିଲ୍ଲା ନ ଶାନ୍ତିପୂର୍ଣ୍ଣ ନିର୍ବାଚନ୍ ଲାଗି  
୫ କମ୍ପାନୀ କେନ୍ଦ୍ରୀୟ ସଶସ୍ତ୍ର ପୁଲିସ୍ ଆଉ ୪ ପ୍ଲାଟୁନ୍ ରାଜ୍ୟ  
ସଶସ୍ତ୍ର ପୁଲିସ୍ ସହେତେ ସମ୍ବେଦନଶୀଳ ବୁଥ୍ ମାନକର  
ଲାଗି ଅଏଡ଼କା ଫୋର୍ସ ବ୍ୟବସ୍ଥା କରାଯାଇଛେ ବଳି ଆମର  
ସମ୍ପାଦଦାତା ସୁଚ୍ଚନା ଦେଇଛନ୍ ।

ପୁଲିଂ କର୍ମଚାରୀ-ପରଲୋକ ଆରଏନ୍ୟୁ/ ସମ୍ବଲପୁର

ବଲାଙ୍ଗିର ଜିଲ୍ଲା ଚିଟିଲାଗଡ଼ ବିଧାନସଭା ଆସନ୍ର ଭୋଟ୍  
କାମ୍ଥି ନିୟୋଜିତ୍ ପୁଲିଂ କର୍ମଚାରୀ ସୁଶୀଲ୍ କୁମାର  
ଆଚାର୍ଯ୍ୟଙ୍କର ହୃଦ୍ଘାତଥ୍ ପରଲୋକ ହେଇଛେ । ଆଏବା  
କାଏଲ୍ ହେବାରକେ ଥିବା ଭୋଟ୍ ଲାଗି ସେ ଚିଟିଲାଗଡ଼  
ଡିଏଭି କଲେଜ୍ ସେଂଟରନ୍ରୁ ଭୋଟ୍ ସାମାନ୍ ନେବାରକେ  
ପୁହୁଁଚିଥିବାର ବେଳେ ତାକର ଛାତି ଚିଏଁଇଥିଲା । ତାହାକୁ  
ସାଙ୍ଗେସାଙ୍ଗ ଚିଟିଲାଗଡ଼ ଡାକ୍ତରଖାନା ସେନ୍ରୁ ବଲାଙ୍ଗିର  
ଜିଲ୍ଲା ସଦର ଡାକ୍ତରଖାନାକେ ନିଆଯାଇଥିଲା । ସେନେ

ତାଙ୍କର ମୃତ୍ୟୁ ହେଇଥିଲା । ସେ ବଲାଙ୍ଗିର ଜିଲ୍ଲା ବକ୍ତି  
ଗାଁର ବାସିନ୍ଦା ହେଇଥିବାର ବେଳେ ଆଗଲ୍‌ପୁର ବ୍ଲକ୍‌ର  
ପରୁଆପାଲି ପ୍ରାଥମିକ ସ୍କୁଲର ଶିକ୍ଷକ ଥିଲେ ।

ବୌଦ୍ଧ - ନିର୍ବାଚନ            ବୌଦ୍ଧ ସମ୍ପାଦଦାତା

କନ୍ଧମାଲ୍ ଲୋକସଭା ଆସନ ସହେତେ ବୌଦ୍ଧ ଜିଲ୍ଲାର ବୌଦ୍ଧ  
ଆର କଂଗ୍ରମାଲ୍ ବିଧାନସଭା ଆସନ ଲାଗି ଆଏବା  
କାଏଲ୍ ଭୋଟ୍ ହେବାରକେ ଯାଉଥିବାର ବେଳେ ବୁଥ୍  
ମାନଙ୍କୁ ପୁଲିଂ ପାର୍ଟି ପୁହୁଁଚିଯାଇଛନ୍ । ଜିଲ୍ଲା ନ ମହିଳା  
କର୍ମଚାରୀମାନଙ୍କୁ ନେଇକରି ୪୦ ଟା ସଖୀବୁଥ୍  
କରାଯାଇଛେ ବଳି ଆମର ସମ୍ପାଦଦାତା ଜନେଇଛନ୍ ।

କେଲ୍‌ସିଅମ୍ କାର୍ବାଇଟ୍-ନିଷିଦ୍ଧ            ଆରଏନ୍‌ୟୁ / ସମ୍ବଲପୁର

ଭାରତୀୟ ଖାଦ୍ୟ ନିରାପତ୍ତା ଆଉ ମାନକ କର୍ତ୍ତୃପକ୍ଷ  
ଏଫ୍.ଏସ୍.ଏସ୍.ଏ.ଆଇ. ତରଫୁ ଫଲ୍‌ମୂଲ୍‌କେ ପଚାବାର  
ଲାଗି କେଲ୍‌ସିଅମ୍ କାର୍ବାଇଟ୍ ବେଭାରକେ ନିଷିଦ୍ଧ  
କରାଯାଇଥିବାର ବେଳେ ହେ ଆଇନ୍‌କେ କଡ଼ାକଡ଼ି ପାଲନ୍  
କରବାର ଲାଗି କେନ୍ଦ୍ର ସ୍ୱାସ୍ଥ୍ୟ ମନ୍ତ୍ରଣାଳୟ ତରଫୁ ନିର୍ଦ୍ଦେଶ୍

ଦିଆଯାଇଛି । ଫଲ୍ ଫୁଲ୍ ବେପାରୀ ଆର୍ ଇ କାର୍ବାର୍ଥ  
ଥୁବା ଅଲଗା ବେପାରୀମାନଙ୍କୁ ଫଲ୍ ପଚାବାର୍ଥ  
କେଲ୍‌ସିଅମ୍ କାର୍ବିଇଟ୍ ବେଭାର୍ ନାହିଁ କରବାର୍କେ  
କୁହାଯାଇଛି । ଇ ବାବ୍ଦେ ସବୁ ରାଜ୍ୟ ଆର୍ କେନ୍ଦ୍ରଶାସିତ୍  
ଅଂଚଳ୍ ର ଖାଦ୍ୟ ସୁରକ୍ଷା ବିଭାଗ୍ ମାନଙ୍କୁ ନିର୍ଦ୍ଦେଶ୍  
ଦିଆଯାଇଛି ।

ଇଏସ୍‌ଆଇ ହସ୍ପିଟାଲ୍-ସି.ସି.ୟୁ ଆରଏନ୍‌ୟୁ / ସମ୍ବଲପୁର

ଭୁବ୍‌ନେଶ୍ୱର୍ ନ ଥୁବା ଇଏସ୍‌ଆଇ ହସ୍ପିଟାଲ୍‌ଥୁ କ୍ରିଟିକାଲ୍ କେୟାର୍  
ୟୁନିଟ୍ ସି.ସି.ୟୁ ଥାପ୍ନା ଲାଗି ରାଜ୍ୟ ସ୍ୱାସ୍ଥ୍ୟ ବିଭାଗ୍  
ତରଫୁ ନିଷ୍ପତି ନିଆଯାଇଛି । ହେଥୁରଲାଗି ରାଜ୍ୟ  
ସରକାର୍ ଗୁଟେ ୨ ଝନିଆ ବିଶେଷଜ୍ଞ କମିଟି ବନେଇଛନ୍ ।

ପାଣିପାଗ ଆରଏନ୍‌ୟୁ / ସମ୍ବଲପୁର

ଉତର୍ ଆର୍ ଉତର୍ ପଶ୍ଚିମ ଦିଗୁ ଗରମ୍ ପବନ୍ ବୁହୁଥୁବାରନ୍ତୁ  
ରାଏଜେ ଫେର୍ ତାତି ବହୁଛି ବଲି ଭୁବ୍‌ନେଶ୍ୱର୍ ଆଂଚଳିକ୍  
ବିଜ୍ଞାନ୍ କେନ୍ଦ୍ର ତରଫୁ ସୂଚନା ଦିଆଯାଇଛି । ସୂଚନା  
ଅନ୍‌ସାରେ ଆଏବା ୩୨ ଘଂଟା ଭିତ୍ରେ କଲହାଣ୍ଡି ଆର୍

ବଲାଙ୍ଗିର ଜିଲ୍ଲାର ଗୁଡ଼େ ଜୁଡ଼େ ଜାଗା ସହେତେ ରାଜ୍ୟର  
କେତେ ଜାଗା ନ ଧୁକାଗର୍ଡ଼ି ଥାର ଚଡ଼କ୍ ମାରିପାରେ ।  
ଆଏକ୍ ରାଜ୍ୟର ସବୁନୁ ଜହ ତାତି ନୂଆପଡ଼ା ନ ୪୨  
ଦଶମିକ୍ ୪ ଡିଗ୍ରୀ ସେଲ୍‌ସିଅସ୍ ରେକର୍ଡ଼ କରାଯାଇଥିବାର  
ବେଳେ ବୌଦ୍ଧ ନ ଦିନର ଜହ ତାତି ୪୦ ଡିଗ୍ରୀ ସେଲ୍‌ସିଅସ୍  
ଥିଲା । ପଶ୍ଚିମ ଓଡ଼ିଶାର ବାକି ଜାଗାମାନଙ୍କୁ ଦିନର ଜହ  
ତାତି ୪୦ ଡିଗ୍ରୀନୁ ତଳେ ରହିଥିଲା ।